



Garantia di depósito na Hulanda Karibense

DeNederlandscheBank

EUROSYSTEEM

Garantia di depósito pa Hulanda Karibense ta protegé habitante di Boneiru, Sint Eustatius i Saba. E ta grátis i ta protegé sèn di spardó te 10.000 USD den e kaso ku algu pasa ku un banko. De Nederlandsche Bank (DNB) ta responsabel pa depósito di garantia i ta paga si mester.



Kua banko ta kubrí?

Ta kubrí: tur banko ku tin lisensia pa ta aktivo na Boneiru, Sint Eustatius i Saba*

No ta kubrí: union di krédito i sèn na filial pafó di Boneiru, Sint Eustatius i Saba



Kua produkto ta protegé?

Protegé: tur kuenta di banko manera kuenta koriente, kuenta di spar, depósito pa un periodo fiho

No ta protegé: instrumento finansiero manera fondo di invershon, akshon i bono

*) Wak riba www.cn.dnb.nl/en e lista di banko ku ta kubrí pa garantia di depósito



Ken ta protegé?

- Kasi tur habitante di Boneiru, Sint Eustatius i Saba
- Mayoria di institushon no-finansiero i institushon privá ku un ofisina registrá na Hulanda Karibense

Tep: Si bo tin un sédula saká na Boneiru, Sint Eustatius òf Saba, bo por ta kasi sigur ku bo sèn ta protegé pa garantia di depósito. Kontrolá semper si e kuenta di banko ta na bo nòmber òf si bo ta registrá komo apoderado. Tin e kondishon ku bo mester ta habitante. Esei ta nifiká ku bo ta pèrdè protekshon di garantia di depósito ora bo muda i sali di Boneiru, Sint Eustatius òf Saba.



Ki ta e suma protegé?

Depósito ta protegé te un suma máksimo di 10.000 USD. Tin dos regla importante:

- E protekshon ta konta pa persona òf empresa; e no ta konta pa kuenta
- E protekshon ta konta pa banko ku tin un lisensia

Kálkulo di e suma garantisá

Akibou bo ta mira dos ehèmpel di habitantenan ku tin sèn na banko ku ta protegé pa garantia di depósito

 Maria	Kuenta koriente	4,000 USD	 10,000 USD protegé
	Kuenta di spar	8,000 USD	
	Saldo positivo na banko	12,000 USD	
	Tep: Maria lo por pone su sèn na vários banko pa oumentá su protekshon		
 Dennis & Angela	Kuenta koriente (i/òf)	5,000 USD	 15,000 USD protegé
	Kuenta di spar (i/òf)	10,000 USD	
	Saldo positivo na banko	15,000 USD	
	Tep: Dennis & Angela ta kompletamente protegé pasobra nan tur dos ta protegé te 10.000 USD		




Ki ta pasa si un banko bai fayit?

- Si un banko bai fayit i no ta kapas mas pa duna bo bo sèn bèk e ora ei ta aktivá garantia di depósito
- For di e momento ei bo por pidi pa kompensashon na e isla kaminda e banko tabata aktivo
- De Nederlandsche Bank lo pone e kompensashon mas lihé posibel disponibel, pero semper denter di 3 luna

Kontrolá bo protekshon den tres paso

Kontestá e tres preguntanan akibou pa evaluá lihé si bo ta protegé pa garantia di depósito pa Hulanda Karibense



Pa mas informashon

Si bo tin mester di mas informashon bo por meil òf yama departamento di informashon di De Nederlandsche Bank (hasi bo pregunta na hulandes òf ingles).

- www.cn.dnb.nl/en/deposit_guarantee
- info@dnb.nl
- +31 20 524 91 11 (number internashonal di ofisina situá na Amsterdam)

Disclaimer

Den e foyeto akí tokante garantia di depósito na Hulanda Karibense, ta trata di duna un deskripsion kompleto di protekshon ku garantia di depósito ta brinda. Sinembargo no ta intension pa e foyeto duna splikashon hurídiko tokante lei i regulashon ku ta determinante pa garantia di depósito. E informashon den e foyeto akí ta basá riba lei i regulashon manera nan tabata aplikabel na febrüari 2018. Pa un bista di regulashon aktual i loke konsekuwentemente ta kubrí bou di depósito di garantia, semper bo por konsultá wèpsait di DNB pa Hulanda Karibense (www.cn.dnb.nl).